

SCRIPT OF EVENING GOJRI NEWS BULLETIN 26APRIL 2025 1700HRS

اونینگ گو جری نیوز بلیٹن مورخہ 26 اپریل 2025

یوہ آکا شوانی جموں بے نصرت تے طارق ابرار تیں خبر سُنو۔

HEADLINES

- ۱۔ وزیر اعظم نریندر مودی نے اج ویڈیو کانفرنسنگ غے زریعے مختلف سرکاری محکماں تے اداراں مانہ نوکری پان آلا ۱۵ ہزار تیں زیادہ نوجواناں نانہ تقرر نامہ تقسیم کیا۔
- ۲۔ لیفٹیننٹ گورنر منوج سنہا نے 28 اپریل نانہ جموں کشمیر غی قانون ساز اسمبلی گو خصوصی اجلاس طلب کیو ہے۔
- ۳۔ وزیر اعلیٰ عمر عبداللہ نے اج رام بن غو دورو کیو جت حالیہ بادل پھٹن غا واقعات غے باعث سیلاب تے زمین کھسکن غی تباہی پیش آئی تھی تانجے بحالی گا کم غو جائیزو لے سکیں۔
- ۴۔ وزیر اعلیٰ عمر عبداللہ غی ہدایت ور جموں کشمیر غاشہریاں غی حفاظت تے خیریت نانہ یقینی بنان واسطے کابینہ وزیر بکھ بکھ ریاستاں غا دورہ ور ہیں۔
- ۵۔ ہوشنو دیوی یاتریاں غی حفاظت نانہ یقینی بنا واسطے ایک مربوط کمانڈ تے کنٹرول مرکز ریاسی ضلع گا کترہ قصبہ مانہ مئی غا پہلا ہفتہ توڑی فعال کردتو جے گو۔

PM ROZGHAR MELA

وزیر اعظم نریندر مودی نے اج ویڈیو کانفرنسنگ غے زریعے مختلف سرکاری محکماں تے اداراں مانہ نوکری پان آلا ۱۵ ہزار تیں زیادہ نوجواناں نانہ تقرر نامہ تقسیم کیا یوہ 15 ووں روز گار میلو ملک غا 47 مقامات ور منعقد ہوا جن مانہ جموں کشمیر وی شامل ہے۔ جموں مانہ یوہ میلو کنونشن مرکز مانہ منعقد ہو۔ مرکزی وزیر مملکت ڈاکٹر جتندر سنگھ نے اس مجازی پروگرام غو آغاز کیو تے دسیو کہ نوا بھرتی ہون آلا نوجواناں مانہ 28 فی صد کڑیں شامل ہیں وزیر اعظم نے کہیو کہ بھارت نانہ ترقی یافتہ بنان غا سفر مانہ نوجواناں گو اہم کردار وے غو تے اُن گو یوہ فرض ہے کہ ملک غی حفاظت تے ترقی مانہ اپنو بھر پور کردار ادا کریں۔

LG SUMMONS

لیفٹیننٹ گورنر منوج سنہا نے جموں کشمیر غی قانون ساز اسمبلی گو اجلاس سوموار 28 اپریل 2025 نانہ سویرے 10 بج غے 30 منٹ ور جموں مانہ بلوایو ہے یوہ اجلاس جموں کشمیر تنظیم نو 2019 غا سیکشن 18 ایک غے تحت بلوایو گیو ہے اسمبلی غا سیکرٹری غی طرفوں جاری حکم نامہ مانہ تمام اراکین اسمبلی تیں درخواست کی گئی ہے کہ مقررہ وقت ور اجلاس مانہ شرکت کریں۔

CM RAMBAN VISIT

وزیر اعلیٰ عمر عبداللہ نے اج رام بن غو دورو کیو جت حالیہ بادل پھٹن غا واقعات غے باعث سیلاب تے زمین کھسکن غی تباہی پیش آئی تھی تانجے بحالی گا کم غو جائیزو لے سکیں۔ وزیر اعلیٰ سرینگر تیں رام بن ٹاون توڑی سڑک غے رستے پُجیا تانجے بحال کی گئی قومی شاہراہ غو خود جائیزو لے سکیں تے سڑکان نانہ کھولن کچرا صاف کرن تے پانی بجلی غی بحالی جیسا کماں گو معائنو کرسکیں۔ اس دوران زرائع ابلاغ نال گل کرتا واں وزیر اعلیٰ نے

پاکستان غا وزیر اعظم شاہباز شریف غا مبینہ بیان ور رد عمل ظاہر کرتا واں کہیو اگر وے غیر جانبدار تحقیقات مانہہ حصو لین واسطے تیار ہیں تاں۔ انہاں نے مزید اس طرح کہیو۔

PM MANN KI BAAT

وزیر اعظم نریندر مو دی ملک تے بیرون ملک رہ رہیا بھارتی شہریاں سنگ پلک آکاش وانی ور من کی بات پروگرام مانہہ اپنا خیالات سانجہ کریں گایاہ ماہوار ریڈیو پروگرام غی 121 ویں قسط وے غی۔ یوہ پروگرام آکاش وانی، دور درشن، اے آئی آر نیوز ویب سائٹ تے نیوز آن انٹر مو بائل ایپ ور نشر تے ٹیلی کاسٹ کیو جائے گو۔ اس توں علا وہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینل ور وی براہ راست نشر تے ٹیلی کاسٹ کیو جائے گو۔ آکاش وانی اس پروگرام غی ہندی نشریات غے فوراً بعد اس نانہہ علاقائی زبانان مانہہ وی نشر کرے گو۔

EX SERVICEMEN ASSOCIATION

ایکس سروس مین ویلفیر ایسوسی ایشن کٹھوہ نے پہلگام ماں شہید کیا گیا 26 معصوم بھارتی شہریاں کی ہلاکت گا زمہ دار پاکستان گے خلاف ٹھوس کاروائی واسطے بھارتی سرکار ناں حمایت دین گو اعلان کیو ہے اس سلسلہ مانہہ ایسوسی ایشن گا ممبراں نے تنظیم گا چئرمین کپٹن گیان سنگھ بٹھانیہ تے صدر منوہر سنگھ گیکھیادت مانہہ بھارتی سرکار ناں اپنی حمایت بارے میمورینڈم ڈی سی کٹھوہ گے حوالے کیو۔ صحافیاں سنگ گل کرتا ایسوسی ایشن گا سدر کپٹن منوہر سنگھ نے پہلگام دہشت گردانہ حملہ کی مزمت کرتا واں اس طرح کہیو۔

JK MINISTERS TOUR

وزیر اعلیٰ عمر عبداللہ غی ہدایت ور جموں کشمیر غاشہریاں غی حفاظت تے خیریت نانہہ یقینی بنان واسطے کابینہ وزیر جاوید احمد رانا کھنو پُجیا ہیں وے ات جموں کشمیر غا طلباء تاجران تے یو پی غا حکام تیں ملاقات کر رہیا ہیں تانجے پہلگام دہشت گرد حملہ تیں بعد لوکاں نانہہ تحفظ غو یقین دوايو جاسکے وزیر موصوف تیں ملاقات واسطے ان تیں رابطو کرسکیں مدرس لطفی تاثر 9419168268 تے ریاض احمد اے پی ایس 9103792688 ور رابطو کرسکیں۔ ملاقات غی جگہ وی وی آئی پی گیسٹ ہاؤس سکیت لکھنو ہے اس طرح کابینہ وزیر سکینہ اتو چندر گڈھ تے پنجاب مانہہ موجود ہیں جت وہ جموں کشمیر غا طلباء کاروباری حضرات تے رہائشیاں تیں ملاقات کر رہی ہیں۔ تانجے طلباں غی حفاظت نانہہ یقینی بنایو جاسکے۔ مدد واسطے ان نمبران ور رابطو کرسکیں 9419004823,7006065102 تے وزیر ستیش شرما اس وقت اترکھند غا ڈھیرا ڈن مانہہ موجود ہیں۔ اگر کسی نانہہ کسی قسم گو ملٹو پیش آوے تاں 9419180515 تے 9906204222 ور رابطو کریں۔ نائب وزیر اعلیٰ سریندر چودھری اج ممبئی مانہہ موجود ہیں غاملاقات واسطے ان نمبران ور رابطو کرسکیں

7780926074,9622491579.

ICCC

ویشنو دیوی یاتریاں غی حفاظت نانہہ یقینی بنا واسطے ایک مربوط کمانڈ تے کنٹرول مرکز ریاسی ضلع گا کٹرہ قصبہ مانہہ مئی غا پہلا ہفتہ توڑی فعال کردتو جے گو آکاشوانی جموں غا نمائندہ غی رپوت غے مطابق شری ماتا ویشنو دیوی شرائین بورڈ نے جمع غے روز کٹرہ مانہہ ایک مشترکہ حفاظتی جائیزہ میٹنگ کی تانجے یاترا غی محفوظ تے ہموار روانگی نانہہ یقینی

بنايو جاسڪے۔ اس اجلاس مانہ حفاظتی ایجنسیاں فوج خوفیہ ایجنسی تے سول انتظامیہ گا اعلیٰ
حکام وی شریک ہوا۔ شری ماتا ویشنو دیوی شرائین بورڈ غا سی ای او انشل گرگ نے کٹرہ
مانہ آئی سی سی سی سی نانہ بروقت فعال کرن ور زور دتو ہدایت دتی کہ اس مئی غا پہلا ہفتہ
توڑی مکمل طور ور کم کرن آلو بنا دتو جے غویاہ مصنوعی زہانت ور مبنی مرکز براہ راست
نگرانی نانہ ممکن بناوے گو جہیرو ۰۰۷ سی سی ٹی وی کیمران غے زریعے کی جے غی
یوہ کیمران اشاران تے چہراں غی شناخت تیں لیس وے غو۔

MAHARAJA PUNYATITHI

اج جموں کشمیر ریاست گا آخری حکمران مہاراجہ ہری سنگھ کی برسی منائی جارہی ہے
مہاراجہ ہری سنگھ ریاست جموں کشمیر کی تاریخی شخصیت ہیں جن کو تعلق ڈوگرہ شاہی
خاندان سنگ تھو تے انہاں نے اک صدی توڑی جموں کشمیر گا بکھ بکھ خطا نانہ آپس مان
جوڑ گے رکھیولیفٹینٹ گورنر منوج سنہا نے مہاراجہ ہری سنگھ ناں ان کی برسی ور خراج
عقیدت پیش کیو ہے۔ اک سماجی میڈیا پوسٹ مان لیفٹینٹ گورنر منوج سنہا نے کہی وجے مہاراجہ
ہری سنگھ اک ترقی پسند مفکر تے دور اندیش شخصیت گا ملک تھا تے اپنہاں نے اپنی مادر
وطن واسطے شاندار کارنامہ مثالی سماجی اصلاح تے زبردست انتظامی خدمات انجام دتی ہیں۔
جہیڑی ہمنان مثالی کم کرن کی ترغیب دیں۔

SAMBA BASANTAR

ضلع انتظامیہ نے ڈپٹی کمشنر سانہ راجیش شرما کی قیادت مان اج سویرے چچی دیوی مندر
سانہ گے سامنے بسنتر دریا گے ککنڈے بسنتر صفائی مہم گو اہتمام کیو اس صفائی مان
خصیری تعداد مان لوکاں نے جوش وجزبہ سنگ حصو لیو اس موقعہ ور ایڈیشنل ڈپٹی کمشنر
سانہ اسٹینٹ کمشنر ریونیو تمام ضلع افسر سول سوسائٹی ممبر سانہ معزز شہری تے مقام
لوک وی موجود تھا۔ لما وقت توڑی چلائی گئی اس صفائی مہم غے دوران دریا گا کنڈا تیں
کچرا تے ملہ ناں گڈھیو گیو آکاشوانی گا خیراں آلا شعبہ سنگ گل کرتا واں ڈی سی سانہ
راجیش شرما تے معزز شہری ریٹا نرڈ کرنل امریک سنگھ نے اس طرح کہیو۔

DC JAMMU EDUCATION

ڈی سی جموں سچن کمار ویشیا نے مشکلات جھیل رہیا بچاں گا مفاد مان شاندار کوشش ناں
جاری رکھتاں حال ہی مان سرکاری اسکول مان داخل کرایا گیا گلیاں گا بچاں کی تعلیم گو
جائیزو لیو۔ دورہ غے دوران ڈی سی موصوف نے بچاں کی تعلیم مان پیش رفت بارے تدرسی
عملہ سنگ گل بات کی تے بچاں کی ضرورتاں بارے جانکاری حاصل کی۔ ضلع ترقیاتی
کمشنر جموں گا اس دورہ غو مقصد بچاں ناں معیاری تعلیمگی فراہمی یقینی بنانو تے ان کی ہمہ
جہت ترقی تے تعلیم گا سلسلہ مان اضافی وسائل کی ضرورتاں ناں پورو کرنو تے تعلیم واسطے
انہاں نانہ بہتر ماحول فراہم کرنو تھو۔
